

北洋官報

錄目

宮門抄

交旨

奏請○農工商部奏覆漢省禁烟情形並籌辦礦務摺
 直督奏已故提督懇建專祠摺△閩督松奏設調查局
 片△護漢督沈奏請英職紳認購巨股片△荊州將軍
 恩奏判防遊設統計處摺
 公牘○督憲札一件△大順廣道稟一件△驛事會移一
 件

文告五則△電報七則△新聞十四則
 量編○△赤峯州自治公所簡章△又研究所簡章

本局第一百五期法政學報今日已出

宮門抄

六月初一日 農工商部 郵傳部 正藍旗值日 陸軍部引 見五十一名 濤貝勒管理軍諮處事務

謝 恩 朗貝勒仍留禁衛軍大臣謝 恩 段祺瑞回京請 安並謝 賞廕生 恩 陳寶

琛交部議叙謝 恩 溥廼假滿請 安 鹿中堂請假五日 吏部呈進月官卷 順天府奏京師得

雨深透 召見軍機 段祺瑞 農工商部遞封奏一件 郵傳部遞封奏二件

交旨

六月初一日 軍機大臣欽奉

諭旨陸軍部郵傳部奏遵擬陸海軍鐵路輸運詳細章程開單呈覽一摺著照所請該衙門知道欽此

諭旨農工商部奏湖南醴陵查業學堂辦有成效請准立案並撥定常年經費遴派監督接管一摺著依議欽此

諭旨郵傳部奏覆陳勘查山西同蒲鐵路路綫股資大概情形一摺知道了欽此

奏議錄要

農工商部會奏議覆雲貴總督奏滇省禁煙情形並懇籌辦礦務以資抵補摺

奏爲遵

旨會議恭摺覆陳仰祈

聖鑒事護理雲貴總督沈秉堃奏陳滇省禁煙情形並懇籌辦礦務以資

抵補一摺本年三月初十日奉

硃批該部議奏欽此欽遵由內閣鈔出到部查原奏所稱各節大致以滇省禁

煙以後頓失此大宗土稅惟有亟籌辦礦藉可補苴其意在廣濬天然之美利自無須各項雜捐且力保地面之主權以隱杜外來窺伺用意甚屬周密農工商部查上年六月間陸軍部代遞補用道崔祥奎雲南要政條陳內速辦礦產一條即以調查全省礦產奏派紳商組織礦務公司並赴南洋各埠勸招商股藉爲練兵贖路之取資當於議覆摺內聲明擬請

飭下雲貴總督就礦政調查局延訂礦師勘驗礦苗並參照湘皖等省章程就本省紳商擇其公正殷富聲望夙著之人作爲商辦礦務總理添設勸業道一缺督率公司廣招商股官任保護商任經營儘有鉅富紳商於滇省創設公司辦有成效者可援照爵賞章程及獎勵公司章程從優給獎以資激勸並責成勸業道察度滇省土脈情形認真提倡農業林業俾與礦業相輔而行各等因奏明咨行欽遵辦理在案茲據該署督所稱箇舊錫廠經前督臣錫良派員馳赴南洋購機招股現已招有殷實商人陳泰遣派礦師雷燦光集股來滇承辦箇舊附近各錫礦核與原議大略符合現在該省勸業道既經添設有人滇越鐵路並可於年內達省此後交通便利便正宜督飭該道劉孝祚廣招殷富紳商創設公司先就礦苗旺厚之處次第開採逐漸擴充以期日進發達如果辦有成效應准仍遵上年奏案援照爵賞章程及獎勵公司章程辦理似於礦業前途不無裨補至所請選派外洋卒業精通礦學之人來滇勸辦一節查農工商部歷經調用外洋卒業業人員內學習礦業專門者本屬無幾且僅祇研究學理並未親歷產礦處所確有經驗遽令勸辦仍恐無裨惟此項人才既爲滇省所急需應由部中隨時物色考驗實能勝任即行遣派赴滇一面仍請

飭下雲貴總督留心察看先行就地取材以憑勸辦而免久延又所請提撥鉅贖一節度支部查滇省礦產素饒特以向無公司承辦資本不豐則成效難著此次雲貴督臣派員赴

南洋招致殷實商人集股來滇承辦箇舊附近各錫礦現正選派礦師購機開採儻成效漸著自不難次第擴充近日臣部因該省改鍊京銅添撥銅本業經實力提倡箇舊錫礦既得公司承辦暫可無庸公家撥款所請提撥鉅資之處應從緩議所有議覆雲南籌辦礦務請派員撥款各緣由理合會同具陳伏乞

皇上聖鑒再此摺保農工商部主稿會同度支部辦理合併聲明謹 奏宣統元年五月二十日奉 旨已錄

署直隸總督那奏已故提督潘萬才戰功卓著懇 恩准建專祠摺

奏爲已故提督戰功卓著輿論僉同懇 恩准建專祠以彰蓋績據情轉奏仰祈 聖鑒事竊原任貴州提督

潘萬才於光緒三十四年二月在籍病故經兩江督臣端方奏懇照軍營立功後病故例賜卹並宣付國史館立傳附祀淮軍忠義祠五月十二日奉 硃批著照所請欽此欽遵在案茲准喀喇沁扎薩克多羅都楞郡王貢桑

諾爾布咨據本旗恭領蘇格都爾等呈稱光緒十七年熱河教匪作亂匪首李國貞聚衆數萬出沒於朝陽赤峯間故提督潘萬才督隊進剿身受重傷猶復裹創血戰卒擒巨魁全境肅清所部紀律嚴明秋毫無犯時蒙漢百姓之

遇賊者遷徙流離所在皆有資遣護送咸獲安全凱撤時鄉民爭挽留之至今謳思弗替茲聞該提督病故追懷往績情不能忘稟懇轉咨奏請捐建專祠以崇報饗等因並據翰林院編修王震昌等呈稱同治初年髮逆肆擾江淮

間故提督潘萬才籍隸阜陽首倡團練以衛鄉里旋投毅軍四出攻剿屢建奇功其後收撫甘肅潰勇剿辦熱河教匪偵捕正定梟匪悉合機宜而熱河之役被創力戰一鼓盪平厥功尤偉嗣任江南淮揚鎮總兵安良弭盜轄境又

安淮北大災倡募賑饑全活無算迨任貴州提督堵截粵西竄匪黔邊肅清旋丁內艱遽以毀卒仰蒙 賜卹備極優隆惟念該故提督轉戰地方並桑梓蒙福之區尙缺報饗公懇上達 宸聽俯准於立功省分並原籍建

立專祠等情呈請轉奏前來督臣楊士驥未及核辦奴才伏查已故貴州提督潘萬才在皖淮將領中稍爲後起而驍勇敢戰卒能自奮功名晚歲渥荷 殊知擢署江北提督方謂大用可期乃因母憂旋里哀毀遽殞人咸惜

之其平日戰功暨立身治軍始末具見於上年兩江督臣端方請卹一疏無俟續陳今准喀喇沁扎薩克多羅都楞郡王來咨並據安徽同鄉各官具呈咸以該提督遺愛難忘情殷酬報合無仰懇 天恩准於蒙旗地方及原籍

捐建專祠以彰蓋績而順輿情出自 鴻施逾格所有據情轉奏請建提督潘萬才專祠緣由謹恭摺具陳伏乞

皇上聖鑒謹 奏宣統元年五月二十五日奉 硃批著照所請該部知道欽此

閩浙總督松壽奏設立調查局並委員辦理片

再前准憲政編查館咨奉 上諭欽奉 諭旨著每省設立調查局一所由該督撫遴選委員切實經

理等因欽此並將調查局章程咨行到閩當經行司欽遵籌辦在案竊維調查局之設照章應分法制統計兩科一以供編制法規之用一以備統計年鑑之刊頭緒至繁非詳細考求未易得其綱領該局繫乎全省政俗尤非令現任監司各員並延公正明達省紳公同辦理不足以杜隔閡現就奴才衙門附近設立調查局一所檄委藩司尙其亭學司姚文倬臬司鹿學良充該局總辦並另延省紳翰林院編修鄭錫光前四川夔州府知府潘炳年會同辦理其應派科長股員均由該司道等遴選詳委並已刊給木質關防先行開局所用經費由藩庫籌撥應請作正開銷至各衙門應添設統計處亦經通飭遵章設立其餘未盡事宜容當督飭該局司道妥籌辦理以期有裨憲政所有閩省遵設調查局緣由除咨憲政編查館查照外謹附片具陳伏乞 聖鑒謹 奏宣統元年五月二十六日奉

硃批該衙門知道欽此

護理雲貴總督沈秉堃奏職紳李正榮認購股銀十萬兩請獎片

再查滇省自辦滇蜀騰越鐵路 奏定集股章程內開認購股分在十萬兩以上者專摺奏獎等語茲據滇蜀騰越鐵路公司總理署雲南布政使葉爾愷等詳稱駐川勸股總董分省補用知縣李正榮認購股銀十萬兩照章分十年交清已據先交三期股銀三萬兩繳到公司照數收訖仍即分期完交請移獎其子花翎五品銜候選知縣李蘇陽等情照章核明詳請 奏獎前來臣伏查滇省路款危急地瘠民貧集股不易而鉅股尤見其難該紳李正榮熱心公益獨力倡認股銀十萬兩為數甚鉅洵屬不可多得大於路政有裨核與專案奏獎章程相符合無仰懇 天恩俯念滇路需款集股維艱准將該紳李正榮之子花翎五品銜候選知縣李蘇陽免選本班以同知不論雙單月歸部前先用以示風勸出自 逾格鴻施除將履歷咨部外謹附片具陳伏乞 聖鑒訓示謹 奏宣統元年五月二十六日奉 硃批著照所請該部知道欽此

荆州將軍恩存等奏判防邊設統計處摺

奏爲荆防遵設統計處以資考核而清庶政恭摺仰祈 聖鑒事竊查現在各部院所設統計處各省所設調查局業經先後奏明成立並准憲政編查館等衙門咨送表冊到荆奴才等自應遵照設立以專責成惟查荊州係與湖北同省似不必另設調查局擬請卽於荊州將軍衙門內設立統計處一所派委鑲藍旗滿洲協領松春總辦其事分設調查員四員以資佐理每月請由馬廠課租項下給撥公費紙筆錢六十串文並刊發木質關防一顆文曰荊州駐防統計處之關防以昭信守嗣後凡屬統計調查事件悉責成該處辦理俾免遲悞以期仰副 朝廷綜核庶政實事求是之至意所有荆防遵設統計處緣由謹恭摺具陳伏乞 皇上聖鑒訓示謹 奏宣統元年五月二十五日奉 硃批該衙門知道欽此

公牘錄要

督憲那咨覆農工商部查明金窩溝青龍洞礦界情形文

爲咨覆事案查接管卷內准 貴部咨據青龍洞礦商林鳳鈞稟稱陳國楨請探之金窩溝係在該商早經置買之裂縫岩下坎流水小溝無礦可開之處且由青龍洞循線開挖西經裂縫岩東經黑豆港皆係該商所買山地請准將毗連之地照章添領數礦界令其邊徑相連等情本部詳加酌核林鳳鈞等將其已購毗連之地添領礦界照章應准具領其陳國楨請探之金窩溝礦地如與裂縫岩地址過近煤線相連且在六百官尺以內自不應准其探採致生纏轆咨行轉飭查明聲覆以憑核辦等因當經飭行礦政調查局並委張道文濬親往勘查去後復以陳國楨稟以林鳳鈞所請展寬地界與原領青龍洞礦界隔斷絕不相連青龍洞在北山金窩溝在南山中隔河道寬約一里有餘該商稟辦金窩溝礦在先林鳳鈞續請展寬地界在後並據林鳳鈞稟在裂縫岩添領三礦界請給續添礦照均經 貴部先後咨行併案查明聲覆各等因又經行局飭委遵照在案嗣據張道文濬稟稱(三云)批示等情前大臣未及核辦移交本署閣大臣據此查礦商林鳳鈞與陳國楨因礦糾葛一案彼此互相稟控各執一詞疊准 貴部來咨飭局委員查清礦界煤線辯明置買先後稟覆前來除批示外相應遵文據稟并將送到圖摺一併咨覆 貴部請煩查核見示施行

大順廣道稟河務研究所業已開學呈送學員名冊暨演說摺請示文並批

敬稟者竊奉 憲台批職道稟請培植法政河務人材擬在大名郡城及東明黃工分別設所研究並送規則課目緣由奉批稟摺均悉直省新政繁興學堂林立惟河工一項尙屬缺如今該道立志淵深勤求教育擬在大名郡城及東明河工各設法政河務研究所招集官紳分班授課官班以改良吏治講求河務培養行政司法佐理新政爲宗旨紳班以預備地方自治爲目的一切章程則辦法參照津保法政學堂成規及永定河工研究所章程辦理俾各員實地練習以宏造就所擬極爲妥善應准照辦仰即督飭認真經理務求實效經費籌自何處應再詳晰稟覆仍移藩學兩司查照等因蒙此以職分所應爲荷 褒獎之備至下忱感悚奚可名言惟有勉盡心力格外妥辦以期無負我 憲台興學育才誘掖獎勵之苦衷遵卽分別移行次第籌備業將所籌經費另文稟明在案伏查原定學額兩所共係九十名而自費旁聽一班亦祇二十名誠以經費難籌多則款不敷用無法添籌以故因陋就簡未敢多定額制及恭奉 鈞批出示招考有志之士聞風響應紛至沓來且有客籍官紳亦皆投稟報考蓋以籌備立憲之際法政尤爲人人應具之智識而此間僻處畿南必欲就學津保每多畏難苟安一聞就近研究大都爭先恐後此皆由 大帥德化流行風氣爲之丕變欽仰之餘私心竊喜隨卽分期扁試其文理率多可取未便以額滿見遺阻其嚮學之志於是酌分一三三等擇尤取錄其間有職銜頂戴以及文童出身而文理尙優者亦酌量錄取以廣造就而順輿情凡取列一等者照稟定章程概免交學費其取列二等者歲交學費四元取列三等者歲交學費五元名爲官費自費用示區別綜計取列官紳一等共七十八名尙不及額二等四十三名共交學費一百七十二元三等一百三十二名共交學費六百六十元以上統共收洋八百三十二元卽歸借款生息項下核實支用似於經費亦不無裨益按稟定章程曾經聲明尙有非本地官紳而願入所研究者准作爲傍聽生但須每年呈繳學費四元一切規則均照正班辦理將來期滿亦與正班一律考試畢業傍聽尙得比照正班則自費更應一視同仁無有軒輊今將考取客籍悉歸三等較取列二等者每年多出學費洋一元以示與土著學員略有不同將來期滿所有二三兩等自費員紳應請與一等正班一律考試畢業發給文憑其餘詳細規則悉照稟定章程辦理謹將分所研究名冊繕呈 鈞覽一面摘錄考取分道分府候補正佐各員銜名咨請藩司查照註冊先將應考各員停其調考以符定章此招考學員辦理之情形也工次學員現止二十餘名卽將來候補各員奉差到工隨時入所聽講計亦

不過再添十餘名原擬該所設在高村 大王廟舊行轅內屈計學員無多尙可遷就一時無須亟亟另建惟郡城學員至二百二十餘名之多非另蓋講堂兩座及添休息室數間斷難容納因於署內教佐官廳東北空地添蓋南北大廳四座共二十餘間名爲法政河務研究所合之教佐官廳並添蓋小房足以敷用約計工料需款頗鉅而兩所應需棹橈二百五十餘分以及所內應備一切器具計亦不在少數前稟所計息款除去供支常年經費尙須歸補備防一款現在人多費鉅未免左支右絀好在學費收至八百三十餘元以之補助或者無須另籌即或小有不敷尙有下年學費可收或先儘息銀動用其備防一項暫緩歸補統俟年終繕摺具報彙案請銷現時講堂業已次第竣工餘房正在趕辦計五月內總可一律修齊此因學員增多郡城一所不能不添蓋房屋之情形也各項教習卽以前稟四員委令兼充速先開辦餘俟延訪有人再行添足定額其兩所管理各員郡城有職道就近督理提調尙可緩派惟監督庶務必須常川住宿庶幾所內諸務得以施措咸宜不至或有延誤茲已檄委法政教習楊資洲兼任監督圖算教習祖立瀛兼任庶務並與各教習分別量給津貼至工次監督係以韓營官鳳昌兼充程丞鹿鳴兼任提調其書記庶務兩差卽以廳署文案章令承績及該廳賬目委員葉令樹勳分別兼充均不另給津貼以節經費現已分札飭遵矣此又分派教習及管理各員之情形也學員既經招齊講舍亦已成立教習及管理各員又俱派定應卽開所研究以紓 憲廩惟暑假在即若兩所一齊開學則工次教習甫經前往卽須馳回未免勞頓且開學之始必須職道躬親辦理方足以昭鄭重而期發達爰定爲郡城卽於五月初八日開學工次則定爲暑假將滿之先提前數日開辦以期兩所功課仍可齊一郡城昨已開所研究濟濟多士聚處一堂來賓叅觀必恭敬止果能研究無懈實地練習將來當有傑出之才以資任用而濟時艱用副我 大帥殷殷望治之盛意謹將職道開學演說錄呈 憲鑒此又郡城開所研究尙覺整齊妥協之情形也除由職道認真督飭悉心妥辦並將未盡事宜隨時稟請示遵外是否有當理合稟呈 大帥鑒核訓示祇遵

臻完善繳

天津縣議事會移南段巡警總局文

爲移請專案據民人劉銀呈遞說帖聲稱爲哀懇格外垂憐俯准妥議以救闔家蟻命事竊身子劉廣泰因案蒙巡警局憲送交習藝所罰充苦力前蒙縣批現逢 恩赦業已查辦造冊奉 院示仰卽赴局呈請等因理宜靜候何敢哀懇緣身子劉廣泰在所現患吐血之病甚屬沈重恐有性命之憂再蓮芬之夫李金屢次找身不容致身勢處萬難日夜不安伏思貴會有代達民情之權無不救民於水火之中既蒙代陳寬宥於前應求拯救於後惟有哀懇格外憐憫據情早請將身子劉廣泰開釋回家調治不至殞命合家老小感鴻慈無既矣至於蓮芬應否准其夫李金具領婚配身絕不干求等語謹查此案前由貴局據天津縣詳擬各節令敝會妥議具覆以憑查核辦理嗣又奉到函送原呈 前督憲楊公文一件囑令併案核議天津縣所擬辦法是否與輿論相孚各等因當經敝會議決移覆在案此次劉銀復來會投遞說帖歷陳困苦情形相應據情代述可否逾格矜憐俯准開釋之處統希裁奪辦理所有劉銀爲其子劉廣泰哀懇開釋緣由理合備文移請貴局查核施行須至移者

文告錄要

督憲批示錄要○阜平縣紀雲鵬稟因籌辦巡警備荒經費發商生息請立案由 批據稟已悉仰警務處會同按察司查照飭知此繳

藩台牌示○宛平縣門頭溝縣丞王桐齡呈請離任遺缺另擬以候補京縣縣丞何德基咨補 遷安縣典史張光

宸丁憂遺缺以遇缺先典史任兆傑輪補 正任懷安縣典史林鼎晉病故遺缺以遇缺先典史王祖僑輪補

鷄澤縣典史孫聿修姻親迴避遺缺以候補典史范啟銘輪補 正任保定府教授趙鳳昌飭回本任

學台批示錄要○曲陽縣稟中高兩堂因經費支絀勢難兩全現擬停併中學將節省之款擴充高小請示遵由

批稟悉定州一州二縣分立中學三處而各堂學額不足款項不敷並牽掣高等小學不能推廣殊非踏實興學

之道該縣擬停併中學將學生送州中學堂學款撥充高小辦法甚是應准立案仍候 督憲批示繳

清苑縣告示○爲出示曉諭事案蒙直隸全省禁煙總局憲札開爲札飭事案奉 前督憲楊接准 度支部 奏

定章程辦理牌照捐業經本局詳定辦法十二條清查吸煙戶口暨煙店出土入土數目嚴禁私販私吸派員會

同各屬辦理在案茲據調查員差竣回津報告各州縣境內仍多不肖商民私賣煙泡煙棍暨以梨膏攪和煙土

任便騰售情事殊與禁煙前途大有阻碍即收牌照捐亦難稽核實數若非嚴切查禁何以符 功令而期實行除仍派員密查外合亟札飭札到該縣立即遵照嚴切曉諭禁止如自此次查禁之後再有私賣煙泡煙棍以及梨膏騰售者一經拿獲照私販煙土例加等罰辦須知現奉 上諭禁煙新政責成地方官至嚴至切該縣務須認真整頓實事求是勿稍敷衍致干未便切切此札等因蒙此除嚴密查拿外合行出示曉諭嚴禁爲此示仰闔境軍民諸色人等一體遵照須知禁煙方嚴稽查尤密豈容任意販售自此次示諭之後倘有不肖商民仍敢私賣煙泡煙棍以及梨膏攪和煙土騰售者一經查出或被被告發定即拘案罰辦不稍寬貸其各凜遵毋違切切特示

天津縣議事會議覆公告○文童陳右賢說帖爲強買命產狡估房間懇祈恩准作主追給房價以全血資而保廟產事 議覆說帖閱悉交董事會歸元會卷案內辦理此覆○東西竹林村村正副沈連合等說帖爲預防後患仰乞俯賜立案轉移鐵路局憲賞發示諭給領准予就近脚行起卸物料事 議覆說帖閱悉查車站起卸貨物應有定章該兩村居民如有欲作此項營生應俟車站處所確定後自赴津浦鐵路總局稟請核奪本會無允准立案之權此覆○民人闔同想等說帖爲懇恩作主以安百姓事 議覆說帖閱悉各村村正副皆由縣尊派充該居民等既經具稟應靜候縣尊核辦所請撤銷另選一節本會並無此權此覆

電報錄要

路透電○接駐波京訪員電稱日昨波京戰事甚烈波王兵隊有攻擊歐人房屋并在城外山上開砲轟擊議院英俄兩國駐波公使催促波王速與民黨定約波王不允

又電○英國官場消息英國輪船愛岱司頓號航至勞司特夫地方附近駛入艦隊中與西字十一號潛水魚雷艇相撞該艇沉沒管帶員守備布魯岱氏與瓦根氏并水手三人均遇救其餘十一人均溺斃西字十七號潛水魚雷艇因避愛岱司頓號致與西字十六號潛水魚雷艇相撞聞愛岱司頓號船王對人云該船航駛適值濃霧并未留意以致誤入艦隊現英皇與儲君均致電問詢

柏林電○和蘭君主偕其夫亨利親王現往薩洛伯克周圍地方遊歷
又電○波斯京城亂黨現佔優勢并與俄國譯官商議擔認攻擊波京

又電○德皇於西七月十六號到齊爾軍港
 又電○和蘭監國王電致德皇惋惜普魯氏辭職之事并賀新首相赫洛威克氏德皇覆電稱謝
 又電○南美波利威亞國允許阿甘廷國要求之件

新政紀聞

政治

監視改選議員投票員名單○天津縣董事會辦理議事會改選議員各區投票所監視投票員姓名單 第一區

(圍牆以內)李鎮 嚴智崇 鄧崇光 高樹南 金其昌 紀聯榮 宋壽恒 朱家琦 馮熙斌 趙維周

李文熙 王賢賓 陸壽恒 劉寶廉 李兆奎 李士鈺 第二區(巡警東局) 劉景琛 孫振鏞 杜

振先 姜清圃 孫殿元 劉景嵐 何家翰 李廣旺 第三區(巡警南局)吳得位 程天澍 張玉田

韓永立 左登春 王思義 沈金泉 張慶祿 第四區(巡警西局) 石作琨 石蔚文 石毓藻 劉恩

洪 劉學鐸 劉學禮 趙潤荃 齊鼎震 安維綱 王聘三 趙炳麟 趙炳辰 邊鐸 馬璵 宣承緒

高春第 王士勳 馬紱麟 石光興 第五區(巡警北局) 盧翰章 張嘉鈺 趙衡元 董春霖 邵德

成 楊恩壽 李宗政 薄襄 軋春瀛 蘇元泰 溫長綸 趙昱元 楊璋 劉建 左兆榕 韓藻 第

六區(海河巡警一局)田樹棠 孫鴻賓 楊春泰 孫平怡 張金榜 第七區(海河巡警二局)田富均

張豐隆 劉樹雲 吳呈印 王霖 毛際虞 范士珍 高振基 楊深 第八區(海河巡警三局)鄭際

張金藻 胡雲龍 鄭斌相 樊兆鵬 鄭秉符 蕭士銓 田學義 蕭聘廷

自治籌辦處分委科長○蘇垣諮議局籌辦處自改爲自治籌辦處後一切均待組織現經該處司道特委沈大令

陳榮爲調查科科長吳大令昌鼎爲調查科科員嚴大令寶騫爲文牘科科長兼收發委員均於上月抄分別到

差以專職守其餘各科員尙待續委

會詳檢驗學習所辦法○蘇省奉法部咨飭在法政學堂附設檢驗學習所已記前報茲經臬司趙廉訪擬定辦法

大旨學額五十名請天賜莊西醫柏樂文君由醫院畢業生內遴選二人當正副教習所需經費每月約三百金

左右勻派各州縣擔承業已會同藩學二司具詳督撫請示矣

府統計處之成立○安徽軍國府稟請開辦統計處當奉撫院批云設立府統計處綜六屬之成分別委定員紳擬

具辦事簡章於四月初十日實行開辦各節該守於奉文籌辦要政類能切實規畫深堪嘉慰現在調查局各項法制方策統計表式均已編就通發並呈本部院核定分爲三期辦竣以四十日爲一期另單飭遵在案該守即就近督催各屬依限調查報由該處駁正逕申調查局彙寄纂輯毋稍貽誤仰調查局轉飭知照

學務

學堂成績展覽會誌盛○江蘇松江府屬青浦勸學所教育會於上月十五十六十七日開全邑學堂成績展覽會男女各學堂送到習字圖書手工成績二千二百餘件另有校舍畢業旅行等攝影十餘種經該會各職員分類陳列燦然可觀門首用翠栢紫成牌樓一座會場內外又懸球結彩氣象一新第一日來賓四五百人次日倍之第三日爲女賓展覽期適逢大雨到者僅百餘人然東北鄉女校學生仍冒雨來觀不辭勞瘁尤見力圖精進綜計各學區所送成績品以城廂區爲最盛東北鄉次之西南則寥寥無幾即該縣首鎮珠家閣區亦僅有一隅小學堂如期送到餘如公立之珠溪兩等趕到已第三日不及陳列殊爲憾事展覽既畢該會各職員即在會所撮一小影以留紀念現因上海將開全省展覽會所有成績品擬再加選擇卽行送會

捐廉購助旅學圖書○浙藩顏方伯刻准前湖北按察司梁節庵廉訪函稱京城創設粵省旅學新建藏書庫應搜集各省所刊有用書籍廣爲存儲以備參閱等因查浙省官書局發行書籍頗多合於教員參攷及講求經世學者之用應由本司捐廉選擇精要圖書購送以期振興教育嘉惠士林茲特開單札飭圖書館迅速印刷裝訂齊全解送來轅以便委員解京爲要

財政

蘇藩籌議遵辦印花稅○署蘇藩左方伯因印花稅一事迭奉大部催飭仿辦限於今年實行故特會商牙釐局督辦匡觀察並諭飭財政局各委員先將本省關釐各稅進款詳細調查然後將改辦印花之後預爲擬算收入開支應增若干並將其利弊細爲比較開具說帖以備呈候撫帥批示遵行云

重發財政統計表式○豫省州縣財政統計表前經省憲札發樣本各屬已紛紛造報現因財政局正監理唐京卿副監理蹇部郎詳加察閱以前發表表式尙有未合之處乃商之會辦王許二觀察另立表式分別移行各屬重複

進式造冊呈報以憑查核

維持銅元價值辦法○贛省前因外來銅元進省太多以致錢價日下商務大受影響復經大吏通飭關口禁止搬運銅元進口而潯漢各商家來贛採購銅元數十萬之多是以業此者抬高價值至上月十六日行情每銅元九十六枚可換市銀五錢二分六釐並經劉兩山方伯移商務總會傳知各商准運銅元出口以維銅元價值

民事

開·設·書·畫·詩·文·助·賑·會○翰林院癸卯同年諸太史因此次甘肅旱荒殊堪憫惻同人集議擬開設一書畫詩文助賑會各抒所長或書或畫隨時送入會所將所得價資概行捐賑以拯饑民現已開單知會將行開辦矣

市民公社會議情形○蘇垣觀前街市民公社日前開第二次會議續推評議員倪詠裳等十五人調查員徐怡春黃駕雄等八人庶務員邱伯孫李澄遠等八人次提議先從修理街道掃除污穢入手辦理該社業將籌辦情形呈請自治籌辦處立案矣

籌修西北海塘工問題○浙撫前據紹興府稟請遴委大員勘辦西北海塘工當經批仰藩司迅即遴委素善工程能耐勞苦之員前往紹興會縣督紳逐細查勘明確節估計繪圖開摺稟候核辦在案茲聞顏方伯奉批後因於前日札委沈守璠慶馳往紹興會同府縣紳董即將西北海兩塘逐細查勘明確究應如何擇要興修約需經費若干撙節估計並將工程段落字號丈尺做法高寬明晰開摺貼說稟復核辦云

路礦

路·礦·學·堂·添·工·讀·班○郵傳部現擬於唐山路礦學堂內添設工讀科一班招考聰穎學生以半日留工半日留讀定以四年畢業其程度能做國文及稍通洋文者為合格擬於暑假後招考以冀大加擴充

滬甯鐵路減釐實行○滬甯鐵路減釐一案雖經議定尚未實行茲江督准外務部咨催以據英使照會謂改訂合同暨前後修改章程業經簽字許可試辦一年再行酌核請速商地方大吏飭屬迅即出示定期實行端午帥當即札飭甯蘇滬三釐局尅日明晰出示俾衆週知一面將減釐各貨物條款分發各早卡遵辦毋得畸輕畸重並嚴札各水卡不准減折賣放否則一經查出定即撤案云

赤峯州自治公所簡章

一名稱 本所爲赤峯預備地方自治而設統議決執行兩機關俱包含在內卽定名曰赤峯直隸州自治公所俟議事董事二會成立後卽行停辦

二宗旨 本所以處理公共事務增進地方利益爲宗旨凡工程衛生風俗教育警備救助勸業財政及一切興革改良事宜在自治範圍以內者悉由本所體察情形公同籌畫並擔任上級官廳與本地長官委任執行事務以期副地方自治之實免官民睽隔之弊

三目的 本所開辦後凡議決機關執行機關俱歸主持惟組織議事會之方法預備議事會之基礎由本所先行籌辦以俟議事會成立則本所議決機關卽行停辦由議事會再選舉董事職員組織董事會董事會成立則本所執行機關亦卽停辦循序漸進以期合自治法規爲最終之目的

四設員 本所係官紳會同籌辦事權必須分明禮節概從簡略委用員數如左

總理一員(本州知州任之) 所長一員(以下由本地士紳中投票公舉充任) 法制科員一員 調查科員

一員 文牘科員一員 庶務科員一員 書記一人 會計一人 名譽員無定額

五分科 本所分科治事委用員紳各司其事不假手胥吏以期洗除積習茲分科如左

總理(代權如左)

一代表本所全體事務 二稽查本所辦事成績 三開會議時發表意見

所長(職權如左)

一整理本所事務 二總核會計文牘報告 三選任會計書記及其他局役 四代表本所發表意見

法制科 掌關於法制規則暨編輯一切事宜

調查科 掌關於調查地方戶口風俗教育生計等事

文牘科 掌撰擬文牘暨保存案卷等事

庶務科 掌庶務會計及不屬他科之事

書記 掌繕文牘及報告等事

會計 掌出納款項及豫算決算核計等事

名譽員 (除通常會外遇有重要事件由總理召集到會如有過半人數同意者亦可公請開會)

六權限 本所辦事權限擬仿照慶雲縣試辦章程分議事幹事對內對外四項由本所總理及所長科員會同籌辦非權限以內者不得干預

七研究 地方自治事屬翔辦如於法學原理有所隔閡即無以達自治之目的擬於本城組織研究所一處令各鄉分區公舉文理通順品行端正者一人來所研究法理由本所籌備膳宿等費其一切科程及畢業期限悉遵照天津自治總局頒發自治學社通行章程辦理俾造就公民之資格預備他日議事董事二會之人才以期推行盡利其研究所章程另行考訂

八宣講 各鄉紳士研究畢業後令各回本鄉輾轉講演地方自治法理及利益等事而於選舉一法尤宜剴切詳明務使家喻戶曉庶選議事會議員時自無窒碍宜講員薪水由總理酌定責成該鄉籌辦

九經費 就本州車捐項下提撥撙節動用

十薪金 員紳住所者皆開支薪水其數之多寡由總理酌定若兼他差使者由他項名下開支本所即不另開以節經費惟到所辦公時則酌給膳費以示酬報名譽職概不住所亦不開支薪水

十一集議 本所開辦後凡本屬紳士通曉法理者本所隨時函邀集議自治事宜以備採擇其因有事不能到者可各抒所見具書投送本所以期集思廣益

十二附則 本章如有應行增改之處經會員多數議決稟蒙批准施行

赤峰州自治研究所簡章

一 本所以研究法理使自治學識有同一之進步為宗旨

二 本所增設於自治公所內即名曰赤峰直隸州自治研究所

三 本所一切用款由自治公所經費項下提用

驅除血毒

在錫蘭有患最劇之癩瘡非醫院所能療治者為韋廉士大醫生紅色補丸所治愈撒母耳極克生者英俊人也年方二九居於科倫佈撒拔斯街之海而山地善體操術為皇家大學堂踢球隊中之一而又精打球之戲然竟有一且不能出外者蓋其人自膝至趾皆發最劇之癩瘡甚至足不容履其母嘗為之憂云吾子身軀至於此極吾實不知何法措置各醫士皆覺棘手無能為力乃竟一服韋廉士大醫生紅色補丸其瘡立愈余夫與余驚喜非常爰命吾子自述其病狀如左云○余憶十一歲時偶患癩瘡自膝至踝至趾皆無完膚其致病之原因因與同伴偕遊於污水旁以致毒入血內之故也其瘡形小而紅膿汁飽而滿顆粒叢生列如星宿未能勝數醫士云此係癩瘡也一



科倫佈極瘡既裂一瘡又生瘡內生瘡痛楚莫名趾縫克生患癩之間莫不皆有暴躁異常奇癢難忍甚至履履皆不能容余母携余至醫院診治而又詢諸科倫佈著名醫士歷七匝月之久試用枯藥油藥水藥以及內服等藥非徒無益抑且有損於是余父准以韋廉士大醫生紅色補丸所治愈

丸各余試服而余母因余年幼每次僅以半丸與服未幾癩瘡盡退身體由是全愈近七年來余之週身十分強壯無復有瘡節之患矣○夫癩瘡一疾無論輕重如僅以外藥敷治斷難除根韋廉士大醫生紅色補丸能適攻入根原使其不潔枯薄之血立能潔淨有力使全體康健復原不第速治如極克生所患之癩瘡且曾醫治 山林瘴氣 血薄氣衰 胃不消化 正忡驚悸 風濕骨痛 腎骨痠痛 筋系疼痛 腦筋失調 左癱右瘓 腳氣衝心 操勞過度 思慮傷神等症又能醫治少壯婦女 月信愆期 白帶白淫諸疾莫不效驗如神焉 中國各處藥局商店均有代售或直向上海九江路B字第八號 韋廉士大醫生藥局總發行處購買亦可價銀每六罇大洋八元每一罇大洋一元五角 遠近郵費一律不取

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尙有機器製造之缸磚花磚洋灰瓦水溝管矸子土等項無論臺零交莊青島上海漢口南京鎮江各埠均設有經售處如蒙賜訂大批價值從廉文貨不悞期限所有洋灰及各種磚瓦等件重量式樣大概用法另刊有華洋廣告 光顧諸君請向本公司索閱面議一切可也

德律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鐘

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零貨均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 磁銅料器磁藍 奇巧美術玩器 學界文房用品 旋行携帶等件 精工製身物料 定織各色磨氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

天津銀號廣告

本銀號代辦直隸公債所有本年宣統元年二月初一日四月初一日第四年第一第二兩期應付本利銀兩即係原訂光緒三十五年期限業經照數分付廣登告白各在案茲值本月初四日為第四年第三期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請督憲照奏准章程通飭各屬不准留難需索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告

啟新洋灰有限公司磚股截止廣告

啟者本公司磚窰收股於五月十五日為兩箇月期滿已經截限現計兌到股款已多逾額尚須設法勻退特此廣告遠近附股諸君勿再溢交免勞往返滙兌謹啟

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各七司又先後報災邊地高寒水泉素乏童山彌望生植不饒一遇早乾即成凶現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃竄糧價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難偏給非有巨款接濟何能救此良鴻夫天災流行國家代有救災恤義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民計未嘗非為全同計也現上海諸公已發起助賑會無非出於愛國愛民之苦心同人復敢為甘民請命敬懇仁君子慨然解囊奇該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北街官報總局

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

京奉鐵路局廣告

啓者本鐵路天津至北京又塘沽至胥各莊各段內應行別換舊道木約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞
京奉鐵路局謹啓

大清銀行廣告

現奉 部飭展限付還國民捐款仍以原捐執照為憑統按前定章程辦理由本月開付限至本年年底為止
天津大清銀行謹啓

直隸全省土稅現經度支部議定仍舊認真辦理勿裁

前月柯遜帥議擬晉豫徐東皖直等省禁種商之大部停辦現經部議直省京津銷場最大查驗最煩畿輔腹地關係尤重直省土稅仍須照舊認真辦理不得裁撤刻已由遜帥飭知直省土稅局遵照矣

便宜祭幃出售

茲有庫緞杭寧摹本亮花大呢呢布東縐洋緞各色祭幃寄存估衣街勾德豐帽店出售貨色新鮮均照市價八折扣算 賜顧諸君請至該處購閱可也